

Kev Soj Ntsuam Txog Kev Kuaj Mob

Muaj dab tsi tshwm sim thaum soj ntsuam txog kev kuaj mob?

- Ib tug kws kho mob yuav nug koj txog yam tshwm sim thaum raug yuam deev los yog raug txhom mos.
- Koj yuav raug kuaj los ntawm lub taub hau mus rau cov ntiv taw thiab lwm yam raug mob yuav raug muab sau cia.
- Cov qauv tej zaum yuav muab los ntawm koj lub cev uas tej zaum yuav muaj DNA ntawm tus neeg uas ua phem rau koj.
- Lwm yam pov thawj tej zaum yuav muab los pab yog tias koj qhia rau tub ceev xwm paub.
- Tej zaum yuav muaj tshuaj los mus tiv thaiv kab mob thiab kev xeeb menyuum.
- Cov kws kho mob yuav tham txog cov kab mob HIV los ntawm qhov raug deev los yog raug txhom mos.
- Cov kws kho mob yuav teb koj cov lus nug thaum lub sij hawm kuaj.
- Tej zaum koj yuav raug kuaj mob ntxiv tom qab qhov soj ntsuam txog kev kuaj mob.

Muaj dab tsi tshwm sim rau cov pov thawj sau los?

Cov pov thawj raug sau thaum lub sij hawm tshuaj ntsuamno tsuas raug muab los kuaj xyuas yog tias yeej qhia mus rau tub ceev xwm lawm.

Lub tsev kho mob yuav tsis ua lwm yam soj ntsuam ntawm txog cov pov thawj uas tau ceev cia.

Thaum tau qhia rau tub ceev xwm, cov chaw lis haujlwm txog txoj cai lij choj yuav hloov cov pov thawj los ntawm lub tsev kho mob mus rau lub chaw lis haujlwm tsim nyog rau kev tshuaj ntsuam txog kev kuaj mob.

Kev nqis tes ua yeej sib txawv nyob thoob hauv cov xeev. Tham nrog tus kws kho mob txog yam yuav tshwm sim rau cov pov thawj sau los ntawm qhov kuaj mob. Koj lub zej zos tus neeg pab txog kev raug yuam deev yuav tej zaum yuav pab nrhiav seb cov pov thawj yuav muab khaws cia ntev npaum li cas.

Kuv txoj cai yog dabtsi?

Xaiv mus kuaj tom qab raug yuam deev los yog raug mos yog los ntawm koj li noj qab haus huv thiab kev noj qab nyob zoo. Koj muaj txoj cai tsis kam lees los sis txais qhov kuaj tau txhua lub sij hawm.

Koj kuj tuaj yeem thov kom ib tug neeg pab, yog tias muaj, nrog koj nyob thaum lub sij hawm kuaj.

Tus Nqi Kuaj Mob

Kev tshuaj ntsuam kev kho mob

Nyob hauv Minnesota txoj cai, lub nroog uas yog lub chaw ntawm qhov raug yuam deev los yog raug mos yuav yog tus them cov nqi mus sau cov pov thawj thaum koj mus tshuaj ntsuam kev kho mob. **Lub nroog yuav tsum them** cov nqi no txawm tias koj twb qhia lossis tsis tau qhia rau tub ceev xwm.

Tom qab koj tau mus tshuaj ntsuam kho mob, tej zaum lub nroog yuav tau nyiaj them rov qab los ntawm koj li es sas las (pab kas phais) nrog rau koj li kev tso cai. Lub nroog yuav tsum tau kev tso cai ua ntej yuav xa cov nqi mus rau koj li es sas las. Txawm koj yuav tso cai los tsis cai losxij lub nroog yuav siv koj li es sas las yog **koj li kev xaiv**.

Lwm yam kev pab kho mob


Koj yuav them lwm yam nqi ntsig txog kev kho mob los ntawm tsev kho mob, nrog rau tej yam tshuaj thiab kev kho mob ntawm kev raug mob. Yog tias koj tsis xav siv koj li es sas las rau cov nqi los ntawm kev kho mob, thov tham nrog tus neeg lis hauj lwm saib xyuas cov nuj nqi hauv tsev kho mob.

Lub tsev kho mob mam li xav cov nqi no tuaj rau koj los yog koj li es sas las, suav tag nrho cov tsev kho mob uas pab them nyiaj thiab cov kev pab nyiaj txiag yog tias koj xav tau kev pab them nqi rau koj cov nqi kho mob no.

Tom qab koj mus ntsib tsev kho mob

Yog tias koj tau txais ib daim nqi los ntawm qhov tshuaj ntsuam kuaj mob, hu rau lub chaw pab cuam txog feem raug yuam deev nyob hauv koj lub nroog. Cov neeg pab los ntawm lub chaw pab cuam txog feem raug yuam deev kuj yuav pab tau lwm yam lus nug lossis lwm yam kev txawj xeeb txog cov nqi no.

Mus ntawm www.rapehelpmn.org mus nrhiav qhov kev pab cuam uas nyob ze ntawm koj tshaj plaws thiab kom tau txais kev pab los ntawm tus kws pab cuam.



Khauj Ruam Tom Ntej

Kev txiav txim siab sau daim ntawv hais qhia

Ib tug neeg los ntawm kev raug yuam deev los yog raug mos tsis tas yuav qhia rau tub ceev xwm. Tus neeg pab cov raug yuam deev yuav qhia lwm yam kev xaiv rau cov neeg raug tsim txom.

Minnesota muaj txoj cai rau cov neeg raug yuam uas hais qhia mus rau tub ceev xwm. Cov cai no tsim los txhawb thiab tiv thaiv rau tus neeg raug yuam, qhia lwm yam ntaub ntawv rau tus neeg raug yuam, pab kom muaj kev koom tes rau hauv kev raug txim uas yuav coj qhov chaw, thiab muab kev pab nyiaj rau tus neeg raug yuam. Yog xav paub ntxiv, hu rau koj qhov kev pab cuam hauv lub zos los yog mus rau ojp.dps.mn.gov.

Yog tias koj muaj kev ntshai txog kev nyab xeeb

Yog tias koj muaj kev ntshai txog kev nyab xeeb los yog ntshai tus neeg uas ua phem rau koj, koj thov ib daim ntawv tiv thaiv koj los ntawm lub tsev hais plaub. Tus kws txiav txim yuav hais kom tus neeg ua phem tsis pub ua phem rau koj thiab tsis pub nyob ze koj.

Nws muaj ob hom kev tiv thaiv: **Daim Ntawv Tiv Thaiv (Order for Protection)** thiab **Daim Ntawv Tsis Pub Los Ze (Harassment Restraining Order)**. Hom tiv thaiv uas tsim nyog rau koj ntsig txog kev sib raug zoo ntawm koj nrog tus neeg ua phem rau koj zoo li cas thiab seb qhov raug yuam zoo li cas. Koj tuaj yeem thov daim ntawv txib tiv thaiv no tau dawb.

Hu rau koj qhov kev pab cuam pab txog kev raug yuam deev los yog lub tsev hais plaub ntawm koj lub zos yog xav paub ntaub ntawv ntxiv txog qhov txheej txeem no.

Mus rau www.rapehelpmn.org mus nrhiav qhov kev pab cuam nyob ze ntawm koj.

Kev Pab Nyiaj Txiag

Cov neeg uas raug yuam deev thiab raug mos uas hais qhia rau tub ceev xwm tej zaum yuav thov kev pab nyiaj txiag los ntawm **Minnesota Crime Victims Reparation Board** yog tias lawv tsis muaj nyiaj vim yog los ntawm qhov ua phem no.

Lub Chaw **Reparations Board** yuav them cov nqi siv nyiaj ubno xws li kev pab tswv yim, poob nyiaj ua hauj lwm, thiab nqi kho mob, nrog rau cov nqi sau ntawv yuav tshuaj.

Cov ntawv foos thiab ntaub ntawv tuaj yeem muab tau los ntawm:

Minnesota Crime Victims Reparations Board
651.201.7300 • 1.888.622.8799
ojp.dps.mn.gov

Muaj Kev Pab

Yeeh muaj keev pab rau koj dawb los ntawm koj lub zej zos qhov chaw pab txog kev raug yuam deev, nrog rau tus xov tooj hu dawb tau 24-xuaj-moos, kev pab txog kev cuam tshuam, kev pab txhawb pab pawg thiab kev pab tswv yim.

Ib tug neeg pab los ntawm qhov chaw pab cuam txog kev raug yuam deev no tuaj yeem:

- Pab ua komkoj to taub zoo txog lub hom phaij uas qhia hauv daim ntawv no kom tau zoo tshaj.
- Pab ua kom koj to taub txog koj li kev nyuaj siab thiab kev xav yuav ua licas.
- Mloog txog koj txoj kev xav thiab kev txhawj xeeb.
- Pab ua kom koj to taub thiab tshuaj xyuas koj li kev xaiv.
- Piav txog cov txheej txheem raws li txoj cai rau koj yog tias koj yuav hais qhia rau tub ceev xwm.
- Hu rau lwm tus neeg raws li koj tso cai.

Cov kev pab cuam pab txog kev raug yuam deev yeej muaj tiag thiab yuav tsum tiv thaiv koj tus kheej. Yuav tau piav qhia txog txoj cai tus kheej ntiag tug rau koj thuum koj nrhiav kev pab.

Hu rau lub chaw pab cuam hauv lub zos txog kev raug yuam deev uas muaj npe nyob rau tom qab daim ntawv no, yog tias tsis muaj npe teev tseg, hu rau Minnesota Day One Line **866-223-111** los yog mus ntawm www.rapehelpmn.org rau cov ntaub ntawv ntixiv thiab xa mus rau lwm qhov chaw pab cuam.



Tsis muaj leej twg muaj cai kov, yuam, hem lossis muaj kev sib deev nrog koj yog tsis tau kev tso cai. Txawm licas losxij, koj tsis tsim nyog yuav raug yuam deev los yog raug mos.

Tom qab raug yuam deev los yog raug mos, tej zaum koj yuav xav tias tsis muaj kev cia siab, kho siab, ceeb, npau taws, ntshai, nyuaj siab, txaj muag los yog txaj muag rau koj tus kheej. Kev raug yuam deev yog ib qhov teeb meem loj heev; txhua tus neeg xav thiab ua txawv thiab ntsib ntau hom cwj pwm txawv.

Nrhiav Kev Pab

Nrhiav tus xov tooj hu tau 24-xuaj-moos hauv zej zos txog kev raug yuam deev:

www.rapehelpmn.org

Nrhiav kev pab mus rau lwm lub chaw pab cuam ntawm koj lub zej zos:

Minnesota Day One Line
1.866.223.1111

United Way 211 - cov lus qhia thiab kev xa mus 24 teev
211 los sis 800-543-7709

Cov ntaub ntawv foos thov kev pab nyiaj txiag thiab ntaub ntawv hais txog qhov muaj cai tau txais kev pab:

Crime Victims Reparations Board
651-201-7300 • 1-888-622-8799 • ojp.dps.mn.gov

Thov kom ceebtoom txog ib tug neeg raug txim uas raug tso tawm hauv nkuaj los los yog xav tau cov ntaub ntawv muaj cai:

Minnesota VINE
Cov Lus Qhia Rau Tus Neeg Raug Tsim Txom thiab
Kev Ceeb Toom Txhua Hnub
877-MN4-VINE • 877-664-8463 • www.vinelink.com

Kev Pab Kom Paub Ceevfaj Txog Kev Nyab Xeeb Rau Tom Tsej (Safe at Home Address Confidentiality Program)

www.sos.state.mn.us • 866-723-3035

Minnesota Tiv Thaiv Txog Kev Ruag Yuam Deev (Coalition Against Sexual Assault)

Cov ntawv muaj tseeb thiab kev kawm: www.mncasa.org

Yog tias koj yog ib tug neeg raug yuam los yog tus ua pov thawj thiab koj ntseeg tias tau ua txhaum koj txoj cai lawm:

Crime Victim Justice Unit
651.-201-7310 • 1-800-247-0390 ext. 3

Yog tias koj xav tau kev pab los ntawm qhov raug yuam deev los yog raug mos, koj lub zej zos qhov kev pab cuam txog kev raug yuam tuaj yeem pab tau koj.

Cov Neeg Uas Raug Yuam Deev

Koj txoj cai thiab cov kev pabcuam



Ntaub ntawv tseem ceeb rau cov neeg uas nrhiav kev kho mob los yog kev kawm txog kev sib cav nrog qhov raug yuam deev los yog raug mos.

Koj li kev noj qab haus huv thiab kev noj qab nyob zoo yog qhov tseem ceeb thib ib.